

16 JANUARI 2018

Dadah NPS rangsang individu bertindak agresif

KOSMO! SELASA 16 JANUARI 2018

NEGARA! 3

Dadah NPS rangsang individu bertindak agresif

KUALA LUMPUR - Individu yang mengambil bahan dadah psikoaktif baharu dikenali sebagai New Psychoactive Substances (NPS) berisiko untuk bertindak agresif sekiranya mereka mengalami tekanan melampau.

Menurut Presiden Persatuan Pengasih Malaysia (Pengasih), Datuk Mohd. Yunus Pathi (**gambar**), dadah NPS berupaya untuk membuat individu terbabat bertindak mencederakan orang lain ataupun diri sendiri sekiranya ada pihak mencetuskan kemarahan mereka.

"Selain itu, ia juga mampu

memberikan kesan yang kuat terhadap perilaku dan pemikiran individu mengambilnya seperti sukar untuk tidur dan lebih aktif.

"Pengambilan dadah NPS secara berlebihan juga mampu merangsang pemikiran individu tersebut untuk bertindak di luar jangkaan seperti mempertahankan diri apabila diganggu oleh pihak lain," katanya ketika dihubungi *Kosmo!* di sini semalam.

Mohd. Yunus berkata, antara

faktor yang mendorong kepada pengambilan dadah jenis itu ialah gangguan mental akibat masalah peribadi dan kewangan.



Beliau menambah, individu yang mengambil dadah jenis NPS disarankan untuk berjumpa dengan doktor atau pakar psikiatri bagi membantu menangani masalah ketagihan mereka.

"Mereka akan diberikan kauceling dan terapi bagi membantu memulihkan masalah ke-



KERATAN *Kosmo!* semalam.

tagihan mereka terhadap dadah.

"Justeru, saya harap individu yang terlibat dalam masalah dadah seperti ini tampil untuk bertemu pakar psikiatri atau-

pun merujuk terlebih dahulu dengan pihak berwajib agar isu mencederakan orang awam kerana masalah dadah ini dapat dikurangkan," ujarnya.

Kosmo! semalam melaporkan Datuk Farid Kamil Zahari disyaki mengambil bahan dadah psikoaktif baharu dikenali NPS sehingga mendorong pelakon itu melakukan tindakan luar dugaan menampar anggota polis dan menendang orang awam ketika berada di Cawangan Trafik, Balai Polis Kota Damansara di sini pada Khamis lalu.